

Ich Hermannus künig von Vach
Wit gottes hulff wil mach
Eyn kleynes buchlein
Das sal sant Jacobs strass genant sin
Dar inne ich wil leren wege vnd stege
Vnd wie syner eyn iglicher iacob's bruder sal p flegē
Wit drincken vnd auch mit essen
Auch wil ich dar june nicht vergessen
Mancherley bößheit die die kappün triben
Da von wil ich hübsche lere schreiben
Da vor sich eyn iglicher brüder sal hüten
Vnd sal sich frömluch haltē vor got vnd vor dē lute
Vnd sal got vnd sant Jacob dienen mit flyß
Des lest innen got vnd sant Jacob genyß
So nympt er von got grössen lon
vnd nach diesem leben die hymelsche krön
die got sant Jacob hatt gegeben
vnd allen heiligen in dem ewigen leben
Zu dem ersten wan du wilt vfigan
So saltu got soner hulffermanen
Dar nach Marien aller gnaden eyn schryn
Das se dir wollen frölich helffen da hyn
Da du sant Jacob mögest mit andacht finden
Marien mit irem lieben kinde
Römisch gnad vnd ablaß zu verdienen
Das tu mogst behüt werden vor der hellen pyner
Darumb saltu es frölichen heben an
Vnd salt erst zu den Eynsideln gan
Da findestu Römische gnad vber die maß
Da kompstu dan vß die ober strass
Dar vff du findest vill heiliger stert
Dar nach mancher brüder sin hertz abe gett

Wer wol lenger mocht leben
Wolt er mercken diß buchlyn eben
Vnd wolt folgen myner lere
So kem er zu sant Jacob desta frölicher
Vnd worde behüt vor mancherley so: gfeldikeyt
Die manchem brüder bringt in grösses leyt
Vnd manchem begegnet groß vngeluck
Hir vmb findestu zu den Eynsideln eyn bruck
Soltich vngluck zu vermyden
Saltu erst eyn hogen berg anstigen
By den cruce saltu vff dyn knye fallen
Vnd salt es got vnd Marien lassen wallen
Vnd salt sie bitten on vnderlaß
Das sie dich wollen behüten vff der strass
Dan saltu dich got gantz ergeben gern
So findestu vber .iij. myl eyn stat heist Lucern
Die stat ligt in eynem grössen seche
Da müstu vber eyn lange brucken gehen
Vnd als ich von vyl gelerten hab gehört
So ist Pilatus vō Rom vß dert yber da hyn gefurt
Vff eynen berg Montefracte genant
Den lastu lyggen vff die rechten hant
Dar vff lygter in eynem grössen seche
Da by keyn mensch oder frhe darff gehen
Vnd wurde etwas geworffen dar in
So kem das gantz land in grösse pyn
Wit donnern hageln vnd blycken
Hir vmb wold es sanctus Gregorius also schicken
Das er in von Rom vß dert yber hat genomen
Dan er thet den Romern keynen frommen
Dan die tyber vnd des wetters beweglicheyt
Bracht die Römer in grösses hertzen leyt

Als es dick vnd vyl ist geschehen zu Lucern
Darnach hastu. vii. myl gen Bern
dar nach. iij. myl in eyn stat ist Fryburg genant
Die ist gelegen in Vohrelant
Sie lygt ebentürlich vnd hat eynē thürn & ist schön
dar nach hastu. vii. myl gen Werden
das ist eyn kleyne zürbrochne stat
Wiltu aber ghen gen Keymond ist myn rat
Von Werden vber. iij. myl komestü dan
In eyn stat ist gehessē Losan
Da lygt sant Anna die müter Marien
der beyder lob saltü nicht verschwigen
Innen zu dienen saltü syn gar schnell
Vber. ij. myl syndestü eyn stat die heist Worsel
das ist eyn sterlyn gar kleyne
darnach syndestü eynen born der ist reyn
dar nach müstu geben zoll
Vnd hast. ij. myl in eyn sterlyn heisset Roff
darnach hastu zwo myl surbas
In eyn sterlyn ist genant Lesas
darnach hastu eyn cleyne myl gen küp an eyn sehe
Vnd aber eyn cleyne in eyn stat heist Wasse
dar nach saltü ghen. iij. myl surbas
So komestü in eyn stat genant Senefas
Vff rheütsch ist sye Genff genant
Vnd lygt an eym wasser ist der Genffer sech genant
der ist wol. xv. myl langk
Zu Genff hat er synen vsgancck
Genff ist gar eyn suberliche stat
Zu dem tütschen wirdt saltü ghen ist myn rat
der ist vor der stat im ersten huse gefessen
Da syndestü gnüg zu drincken vnd zu essen
a iij

Vmb eyn zymlichen pfennig vnd dür dyr glych
Zu a Cardynen achen ist er dyr furderlych
Peter von Fryburg ist re genant
Sant Jacobs bild hengt vor synē huf zu Slinckē hat
Auch ster da vor sant Jacobs capellen
Zungstü zu im so wirtü mich nicht schelden
darnach fundstu vber. s. mulci schloß Hundeyn wald
dar nach vber. ij. myl syndestü eyn spiral bald
dar nach vber. iij. myl zu hant
syndestü eyn stat ist Remiliacus genant
dar nach vber. iij. myl komestü dat
Gen Ay in eyn wile bad
dar nach vber. ij. myl laß dyr tzerge
Eyn stat die heist Schamereye
darnach hastu zu der Leytern. iij. myl
Nü höre was ich dyr sagen wyl
Wan du eyn halbe myl na by der stat byst
Eyn wunderbarlich gebu ge du da syhst
darnach vber. iij. myl lygt Jeromo eyn sterlyn sye
Ist vff welsch genant Werten
Vber eyn groß myl syndestü eyn stel yn schön
Vnd aber vber. j. myl eyn stat die heist Arben
Samaht man hubstede kem vnd strecken vyl
darnach vber eyn halbe myl
da syndestü eyn schloß
Vnd eyn dorff heist Frit vnd ist nicht groß
dar nach vber ander halbe myl syndestü eyn sterlyn sye
das heist zu sant Marcellyn
dar nach vber. j. groß myl magstü werden fro
dan syndestü eyn stat heist zu sant Anthonio
dan hastu hondert myle vo de Eynsdeln gegange
Da syndestü auch vyl tzerchen hangen

Da selbft sych auch die münzender
die man die karten nennet
da saltu dyn gelt weffelen mit flyß
Vmb ander gelt ist genant Hardysß
Auch syndestu da eyn teutschen wirt oder zwen
die dich wol lern by fern siepler zu ghen
Wynen ist genant der Ryngelet
der dich es wol kan gelern
Liß dir dir not dastu dich wol fursyßte
dan er ist vol behendikeyt vnd arger lyst
dar nach saltu .iij. myl furter gan
So komestu in eyn stat die heist Roman
Vff welsch is es genant Romannis
da selbft eyn güttre spital ist
dar inne gybt man bröt vnd wyn
Auch synt die bett hussch vnd syn
Vber .iij. myl komstu gen Falkentz eyn stetlyn schön
Vber eyn halb komestu gen Liberon
Liberonis ist sye vff welsch genant
dan ferstu vber eyn wasser zu hant
dar vff saltu dyn gelt sparen
Wyn Hardysß müstu geben vber zu saren
dar nach vber eyn halb myl komestu zu hant
In eyn stat ist Aureoli genant
dar nach saltu dich nicht zu sere vlen
In eyn kleyn stetlyn hastu sunffte halb mylen
Ist genant Montelou oder Azemar schnell
dar nach vber eyn myl syndestu eyn castel
Ist genant castel de ratis oder castel noue
dar nach saltu aber eyn myl ghe
dan syndestu eyn schloß genant dusera
Aber vber eyn myl ist eyn schloß heist Petra lata

San saltu eyn wenig furter ghen
da lygt eyn dorff heist Pallude
dar nach vber eyn myl komestu zu hant
In eyn stat ist zu sancce spiritus genant
Da syndestu eyn brucken die ist suberlichen
Ich meyn das man nicht synde in gleichen
dar nach vber .ij. myl syndestu eyn stat heist Trestis
Vnd aber vber eyn myl eyn die heist Salneolis
dar nach vber eyn myl ist eyn die heist Dynum
Vnd vber .ij. myl eyn die heist Valle Brutunt
dar nach vber .ij. myl hastu sere na
In eyn stat die heist Luceria
dar inne ist eyn byschoff gesessen
da saltu des spitals nicht vergessen
Auch ich dir getwlichen rat
dastu by dich nemest wyn vnd bröt
Auch saltu dich dar nach schicken
dastu dyn schw da laisset ricken
Wan du komest eyn myl von der stat
So saltu ghen vber eyn brucken ist myn rat
da by syndestu eyn kloster steen
dan saltu vff die rechten hant eyn berg an ghen
Der wegt ist hart vnd vol steyn
dar nach hastu .iij. myl die synt nicht kleyn
Gen Nymas in eyn hussche stat
da syndestu eyn thurn den ebentürlich gebuwer hatt
Vnd auch eyn kloster dar inne gybt man prebende
zu den Augustinern hört ich es nennen
dar nach vber .viij. myl komestu schyr
In eyn groß stat heist Compelyr
Vff der stat saltu ghen vff die rechten hant
Vber .j. myl syndestu eyn zubrochen schloß zu hant

Darnach findestu aber eyn dorff vber eyn myl
Drey myl darnach saltu dich yf
So findestu eyn dorff ist aquas mortis genant
Da findestu eyn brucken by eynen mülen zu hant
Darnach findestu vyl castel an eynem seze
Dan saltu zu eynem klöster zu gehen
Vnd laß dich nüttere verlangen
Von Tymas gen Wöpelr hastu. viij. myl ge
Wompelr ist eyn größe stat
Sie. xxxvi. myl von Solos stat
Zu Wompelr such ern prebend ist myn röt
In eyn klöster gibt man fleisch wyn vnd bröt
See in sant Jacobs sprtal ist dirß nót
Dar inne bystu der kappunen spot
Die haben dar inne gantz gewalt
Der spitelmeister ist den tütsehen nicht holt
Darnach hastu. j. myl in eyn dorff dae ist klein
Vnd in eyn ander dorff aber eyn
Vnd dan eyn gen Orzanum
Vnd. ij. bis gen Lupianum
Gen Tyberium hastu kleyner myl fyre
Vnd. iij. in eyn stat heist Byfere
Da findestu auch eyn suberliche brucken
Vnd salt darnach eyn myl furter rucken
So findestu eyn schloß zu der rechten hant
Vnd vber eyn myl eyn stat caput stagnü gene
Das hat auch eyn brucken vnd lygt an eynem se
Darnach müstu funffmyl weges gehen
Vff dem wege findestu noch trincken oder essen
Drner fleischen vnd seck saltu nit vergessen
Vnd salt dich mit wyn vnd bröt wol beliden
Für war es bringe dir feynen schaden

Du findest wol zwo oder drey tabern
Sie geben aber den armen brüderu nicht gern
Auch saltu dich nit lassen leyden
Du findest vnderwylen grüsame heyden
Du findest auch eyn schloß Cabasacum genant
Das lastu liggen zu der rechten hant
Darnach hastu. iij. myl gen Olmo die synt nah
Vnd hast dan drey myl gen Marsilia
Zwo myl bis gen Trebis ist eyn stetlyn schön
vnd eyn myl in eyn stat die heist Margazon
die lgt halb vff eyn berge vnd halb in eyn talt
vnd findest eynen güten spital
Darnach hastu vber funff myl nah
In eyn stat die heist Villa pinta
Da saltu gehen vber eyn brucken
vnd salt eyn myl furter rucken
So komestü gen Allefrancken
Castel noue de arrio heist nach mynem gedanken
Die brüder schiffen sie die knobloch stat
vor der porten eyn gütter spital stat
Darnach saltu nicht fere ylen
Gen Tolosa hastu noch. viij. mylen
Erst zwo myl in eyn stat heist Armeto
vnd aber eyn myl gen Fafesio
Darnach hastu zwo myl gen Monteseart
vber zwo myl ist eyn spital vor der porten hart
vor eynen stat ist Castaneto genant
Darnach vber eyn myl findestu zu hant
Tolosan gar eyn größe stat hubsch vnd fyn
Sie sprechen es solten. vi. apostolen da syn
Phüppus Jacobus vnd auch Barnabas
Der groß sant Jacob Simon vnd Judas

Vß der stat gestü vber eyn brucke zü der rechre hant
Syndestü vber eyn myl eyn spital zü hant
Sarnach vber eyn myl funde slü. viij. tabern
vnd eyn spital den magstü suchen gern
vber eyn myl fundestü vff eyn berg eyn schloß
vnder den berg sant Thonges kirche in eyn buch sen
By der selben kirchen in eynem tall schloß
Da fundestü auch eyn spital
vber eyn myl ligt insula Jordanis
Da dan auch eyn güte brücken ist
vber eyn myl ligt eyn dorff vff die lincken hant
Aber vber eyn myl eyn schloß zü der rechten hant
Sarnach vber eyn myl komestü gen gemöte schnell
vber eyn große myl eyn stat heist Obiel
Sarnach ist. ij. myl gen Auzt in die stat
Da dan ist eyn etlich episcopat
Da mag stü der prebenden nach ylen
Darnach hastü gen Barran. ij. mylen
Sarnach vber. j. myl ist eyn dorff heist Insula
Vnd eyn spital by eynem dorff nah
Darnach ligt eyn stat ist Montes gibo genant
Vber eyn myl ligt eyn schloß by eyner kirchen zü hant
Darnach vber eyn myl ligt eyn schloß ist wie es mag
Vnd hast dan eyn myl gen Marsack
Da fundestü eynen vyrechten marte
vnd. ij. spital dar vff magstü warte
Sarnach hastü. ij. myl gen Amergeto
Geh in den spital da müstü liggen im strö
Da fundest eynen bessern in der stat
Darnach geh vber eyn wasser ist myn röt
Da ist vff eynem berge eyn dorfflyn klein
Duer vnd topfen mecher synt da gern eyn

Inden am berg syndestü eyn born stark
Vber. ij. myl saltu forder gan
Da syndestü eyn dorff vnd eyn spital
Armer iacken land wert bis an den Kontzefal
Sarnach fundestü vber. ij. myl Dorlaß eyn stetlin
Sarnach hastü. iij. myl vber eyn heid zü geen steen
Dan syndestü eyn spital in eynem walde
Auch fundestü darnach eyn dorfflyn balde
Sarnach saltu eyn berg anstyggen
Vber. iij. myl saltu Arteß lassen lyggen
Die stat ligt an eyn berg vnd hat eyn spital
Vnd hat eyn schloß das taugt nichts aber al
Sarnach vber eyn myl fundestü eyn spital zü hant
Aber vber eyn myl eyn stat Artesium genant
Da lyggen zwey spital vor der stat
Da gee vber eyn bry ken ist myn radt
Vnd laß dich nit zü sere verlangen
Du hast eben. xxx. myl von Tolosa gegangen
Sarnach fundestü eyn dorff vber. j. myl vñ eyn spital
vber. j. myl fundestü ein tabern da müstü dē win bzal
Vber eyn myl komstü gen saltu terra das merck ebē
Da müstü von den gulden zoll geben
Sarnach saltu gehen vber eyn brucken
Vnd salt dyn seckel mit Coronaten schmücken
Eyn Coronaten müstü geben vber zü faren
Auch magstü wol dyn gelt sparen
Vber eyn myl fundestü eyn spital by eyner brucken
Aber vber eyn myl saltu zü sant Blasio rucken
Sarnach vber eyn myl fundestü eyn spital fern
Aber vber. eyn. myl fundestü. iij. tabern
Da fundestü eyn spital des saltu nicht feel
Vber. ij. myl ligt eyn stetlyn da macht man negel

Sie die Brüder in die schüch schlan
Darnach saltu eyn myl furter gan
Da syndestü eyn spital des saltu gedeckung syn
Vber .j. myl ist eyn dorff vnd eyn möll da by
Darnach syndestu auch by eyner mölen cyn steg
Da teyle sich an drey end der weg
Dan saltu den mittelsten gan sta
Dan vber .j. myl syndestü eyn brucke by eyner kirch
Vber eyn myl komestü in sant Johans stat
die dan drey vnder scherding hat
By der brucke syndestü eyn spital zu der rechten he
Vber fuuff myl syndestü eyn kloster zu hant
Das lygt oben vff dem Rontzefall
Darnach vber .iiij. myl syndestü auch eyn spital
Darnach hastü .iiij. grösser myl die synt nicht na
Dan komestü in eyn stat heist Pepeloma
Vnd wan du komest vber die brucken
Da magstü in eyn spital rucken
Dar inne gybt man wyn vnd bröt
Darnach balde syndestü auch eyn ist dirß nöte
Darnach magstü ghen in eyn stat gern
dar inne wönet der konig von Tascen
Syn konigreich .viii. myl lanck lygt
Vnd ist .vii. myl weg es breyt
In d stat gibt mā .xii. brudern zu drinckē vñ zu essen
By der heubt kirchen des saltu nicht vergessen
Zu der lyncken hant ist der spital vnser liebe frauē
Wā gibt da gern vmb gots willē des salt dich frauē
Du syndest eyn spital zu sanct Marien magdalen
Darnach saltu eyn halb myl weg es furter ghen
Dan syndestü eyn spital by sant Anthonius hoff
Darnach ist .j. spital vber an d halb myl eyn berg vff
6

Vnd eynen hinset dem berge der ist na
Vber zwö myl komestü gen Ponteregina
dar inne syndestü .iiij. spital dar inne magstü ghen
Auch syndestü eyn hübsche brucken da steen
Vber .j. myl syndestü eyn dorff zu der lincken hant
In .iiij. mylen dar nach hastü .iiij. brucken zu hant
vnd d dreitē ist eyn born magstü drinckē ist dirß nöte
Vber die vierden komestü in die Juden stat
Aucas nennen sie die wahlen da
Vber .iiij. myl lygt Vianna
da vor synt .iiij. born gelegen
Vnd hast .iiij. spital vnder wegen
Vber .iiij. myl syndestü eyn stat heist Grünigen
das ist die erste stat in Hispanien
Lagrona ist se vff welsch genant
Wen ander münz wirt dir dar bekant
Sie Coronaten haben da eyn ende
die Almedis mustu lernen kennen
Auch stat eyn bruck vor der stat
Darnach ghe .iiij. myl gen Nazareto ist myn rat
dar nach syndestü eyn born by eyner kirchen steen
Wiltu so magstü eyn berg an gheen
dar vff syndestü eyn loch ist eben nütlich
Darnach lygt eyn brucken die ist glych
So hastü .iiij. myl gegangen von Nazareto
Bis gen Nazera magstü werden seol
da gybt man gern vmb gottes willen
In den spit alen hastü allen dynen willen
Vñ gnomē in sant Jacobs spital
das ist honer solck alle zu mall
die spital frau der brudern vyl schalek eyt düt
Aber die beide synt sere güt

Auch liggen.ij. schloß vber der stat
Ghe.iiij. myl zu sant Dominicus ist myn rat
In spital fundestü zu drincken vnd zu essen
der himle hinder dem alwar salu nicht vergessen
Vnd sa't fre recht schwarzen an
Gedeck das got alle dinck wonderlich gemacht hat
Sas sye von dem bratspys synt geflogen
Ich weiß furwar das es nicht ist erlic gen
dan ich selber hab gesehen das loch
dar vff eyns dem anderen nach stoch
Vnd den hert dar vff sye synt gebreten
Nusaltu dich furter beraten
Vnd ghe eyn myl vber eyn brucken schon
In ern stat die heist Graueon
Auch saltu dar nach ader eyn myl ghe
In ern statlyn heisset Redihile
Dar nach fundestü eyn spital serena
Vnd hast.ij. myl in eyn stat heist dolorosa
Dar in gybt man auch prebend
Da saltu gheen vber eyn brucken behend
Auch eyn yglucher bruder da mercken sal
das da ist der rutter spital
Sar nach hastü.iiij. myl gen Vylfranken
da hab vff der künigin spital gedanken
Sar inne gybt man den bindern eyn güte prebend
des springenden bo:ns zu drucke biß nicht behend
dann er manchem bruder dütt we
dar nach saltu erntu berg an ghe
Vnd salt nicht zu sere ylen
Gen Burges hastu noch. viij. mylen
Vff dem berige fundestü eyn wege scheyden
Welchen du wilt magstü ghen vnder in beyden

Zu der rechten hant fundestü eyn spital der ist fern
Vff die loncken hant fundestü eyn tabern
Sarnach ghestu vber eyn brucken syn
So komestu balde gen Burges in
Sar inne fundestü. xxxij. spital
Des künigs spital gat vo: sie alle zu mal
dar inne gybt man sarr zu drincken vnd zu essen
Hennikyns spital saltu auch nicht vergessen
Sar inne fundestü auch güte berß vnd eyn prebend
Auch magstü dich in den rutter spital wend
die stat hat hübscher thurn vill
Vnd welcher bruder die sull sehen will
dar an man den spitelmeyster erschossen hat
Der vrrthalbhondert brudern vergeben hat
Wan dü ghest vber die brucken zu der rechten hant
Nah by des künigs spital ist sye zu hant
Sarnach hastu nicht fern in ern mölen
da gybt man prebend allen die es nemen wollen
Sarnach fundestü. iij. spital in achthalb myl
dan fundestü sant Thonges furch da hyn magstü yll
da gybt man dyr bröt das ist dyr not
Vber eyn halb myl fundestü eyn schloß heist Friz
Vff theutsch istes geheissen die lange stat
dar in man. iij. spital hat
Vber. ij. mylen ist by eyn do:ff eyn brucken
Aber. ij. myl ist eyn spital dar in magstü rucken
Vber. j. myl fundestü eyn spital by eyn er brucke **sten**
Vber. ij. myl aber eynen dar in magstü ghen
Vber eyn myl fundestü eyn stat heist Garrion
Mit eyn er brucken die ist schon
da gybt man in zweyen klöstern wyn vnd bröt
Such zwey spital hynset der brucken ist dyr not

Sar nach syndestü eyn hoff vber eyn myl
da gybt man auch bröt oder nicht zü vyl
Auch ist da .j. spital vnd vber .j. myl aber eynes
Vnd syndest vber .j. myl aber .j. da wil ich dich less
Das man dar inne gybt wyn vnd bröte
Aber vber .j. myl ist eyn kirch der thet buwens nör
Zwey dorffer eyn kirch vnd eyn brucken lyggen na
Vnd eyn stat ist genant Saguna
das hat eyn böß wasser vnd .iiij. spital
Hinset d brucke eyn yglucher wyn vñ bröt nemz sal
In eynem spital dar inne saltü ghe
dan hastü .vij. myl in eyn stat heist Mansilo
Sar in magstü ghen gar fry
dar inne syndestü gütter spital wol drey
Sarnach syndestü .ij. brucke nach eyn
Vber .ij. myl lygt Leon eyn stat ist nicht zü klyn
dar inne syndestü spital gnug
Geh in sant Thonges spital bareß gefug
Auch synt da sant Jacobs heychen seyl
Auch deyle sich da die straf in drey teyl
Eyn die geth zü sant Saluator
dan gastü vß zü dem oberthor
Oder wiltü zü Storiges zü ruelen
So saltü gheen vber drey brucken
Vnd ghest dan eynen berg an
Da syndestü eyn groß steynen crütz stat
dan saltu ghen vff die lyncken hant
So komestü gen Storiges zü hant
Wiltü aber folgen in yner leer
So saltu dich zü der rechten hant fern
Da darffstü keynen berg ansteygen
Su lest sic alle vff die lincen hant lyggen

Hüttedich vor der Rabenel ist myn rat
Vff diser stras komestü balde gen Bonforat
Da salt erst fragen zü sancte Maurin
Vnd laß Storiges .iiij. myl vff die lyncke hant ligge
dan syndestü als eyn dorff am andern
Vnd hast güet folk vnd sycher wandern
Vud gybt gern wyn vnd bröte
Nake vmb Bonforat
In der stat ist eyn güet schloß
Hast dar nach .iiij. myl gen Kaeafelof
dar nach hastü .v. myl gen Willefrancken
da drinck den wyn mit klugen gedanken
dan er bornet manchem abe syn hertz
das er vß geht als eyn kertz
Sarnach saltü vber eyn brucken ghen
Vnd aber vber eyn n w saltü mich recht versten
Wiltü den Aldefaber nicht an stygen
So laß in vff die lyncken hant lyggen
Vnd geh by der brucken vff die rechten hant
da syndestü vber .ij. myl eyn dorff zü hant
dar nach saltü .v. myl fürter ghe
dan syndestü eyn dorff vff eyn berg der ist jhe
Vber .iiij. myl komestü gen Lucas in die stat
da hinset by eynes brucken ist eyn wilthad
Die stat ist euenturlych gebuwet
das dan eyn yglucher wol schawet
dan saltu by dē bad vber eyn brucke ghen ist myn rat
So hastü .ij. myl in die zübrochen stat
da syndestü eyn spital der ist nichts wert
dan vber .ix. myl syndestü sant jacob ist dirß bescherz
Wyr namen in der stat zü Compostell
dar vff sych tra wet mancher gütter gesell

Das er sye frolichen mag schawen an
Wan er vff eyn berge müß stan
By eyn crutz da dan lygt eyn groß hauß steyn
Nü wolle vns helffen Maria die jungstraw reyn
Mit irem lieben kynde
Das wir sant Jacob mit andacht mögen synden
das wir nach diesem leben mögen synden das lon
Vnd mögen enpfaen die hymelsche krön
Sie got sant Jacob hat gegeben
Vnd alle heilige die da synt in dem ewigen leben
Amen.

Nü wil ichs aber heben in gottes namen an
Sie wege zu wissen die vff der nyderstrassen gan
Wiltu von sant Jacob wider heym ghen
So saltu wider zu Burges zughen
Da syndestu vor der stat eyn steynen crutz stan
dan saltu vff die lyneken hant gan
da magstu frage wo man zu dem porten berge zugent
So syndestu in .xxvj. myle nicht vyl dorffer od stet
Wiltu aber zu sant Nicolaß porten zugan
So magstu den wege lassen anfran
Vnd magst ghen zu der rechten hant
San komestu gen Straßburg zu hant
Auch magstu by de cruce zu der rechre hant abschla
Vnd blybest in der ober straf bis gen Pompelonia
San ghestu abe. hinset der stat
By dem spital ghe vff die lyneken hant ist myn rat
Vud las das wasser lyggen vff die rechten hant
So komestu ober .xxvj. myl gen Byon zu hant
Ober .iiij. myl syndestu eyn spital in eynē dorfflygge

dar nach müstu eyn hohen berg an stigen
Da syndestu ober .iiij. myl eyn spital der ist güt
Dar innen man den brudern gülichen thut
Er ist zu Monte sancta maria genant
Ober .viij. myl komestu gen Byon zu hant
dar nach hastu .xxvj. ober die Bardewesch heyde
die den armen brudern thut vyl zu leyde
Versorge dich mit bröt vnd auch mit dem dranc
Ich sage dir furwar wer dar vff wirt krank
der ist von den walhen ganz gelassen
Sie begraben gar vyl bruder vff die strassen
die dar vff hungers sterben
dan sye auch wartung halber müssen verderben
Su syndestu nicht vyl spital an den selben enden
In den letzten .viij. mylen gybt man .viij. prebenden
Wiltu aber ober die kleyn heyde ghen des ich nit rat
Da komestu gen Ny in eyn wiltbad
dan es ghen also vyl bruder vff der selben strassen
das die luth des gebens werden verdroffen
Auch ist die straf wyt vmb
Mancher dar vff irret vnd macht im selber kreim
Ich eat dir dastu schlecht ghest gen Bardewesch
Da syndestu auch vyl seyl der korbes
da magstu das almüß heysen ist dir not
Sie geben in der stat gern wyn vnd bröt
Da magstu auch dyn gele wol sparen
damüstu vyl geben ober zu faren
Vff dem wasser hastu .viij. myl byß gen Ble
da magstu in eyn kloster nach eynre prebenden ghen
Darnach hastu gen Pong güter myl acht
Vnd .iiij. gen Sentes da betrachte
Das man gybt zu ydroye prebende

Sarnach syndestu eyn klöster der brücken zü ende
Darnach komestu gen Alesion
da syndestu eyn schloß das ist schön
Sarnach saltu gen Butyrßreyge
Darnach gen Schartelareye
dar nach sant Karheryn eyn schön kirchen hat
Sarnach komestu gen Thorß in die stat
Vff welsch ist sie genant Thuron
Sant Martins kirch die ist schön
Mit andacht saltu gan dar in
Sa ligt begraben der liebe heri sant Martin
da ghen abe erlich bruder zü der rechten hant
Vnd komen durch Westerich in rheurisch lane
da magstü dich dynes leydes ergen Wey
Vff d strass magstü ghen gen Widerßdorff od gen
da kanstu mit den luten gekoß
darnach komestu von Thorß gen Amboß
Sa ligt des kunigs son von Franckrich
darnach ligt Blese eyn stat die ist suberlich
da last du eyn wasser ligen vff die rechten hant
darnach hastu drey stert nach ern zü hant
San in prebend in eyns bisschoffs hoff ist myn rath
darnach ligt Oriens sere eyn hubsche stat
darnach nym eyner stat heist Stampoß war
darnach ligt Herim vff eynem berge gar offenbar
darnach komestu balde gen Paryß
da hyn eyn yglischer zügeligt der dan wil werde wyß
In künsten vnd rechten beyde geistlich oder weltlich
Vff ertrich sach ich nye der stat gluch
Von der stat hastu .xxv. myl gen Annon
Vff welsch heist sie Hamyens vnd ist sere schön
darnach vber .xxvij. myl komestü de stat bass

In eyn große stat ist genant Harras
Dar nach saltu mich recht verstecken
Vnd salt .ij. myl von Paryß zü sant dionysius geen
dar nach vber .v. myl syndestu eynen spitall
By eynem schloß by eynem großen tall
Vber .iij. myl gybstu eyn pfening vber zü saren
So syndestu dan eyn clöster des saltu nicht sparen
das ist des ordens sancti Benedicti genant
Vber .iiij. myl komestu gen Cleremon zü hant
du syndest auch eyn dorff vber .iij. myl
Vber .iiij. myl eyn clöster dar hyn magstü yl
Vber eyn myl haben eyn huf die teutschen heern
dar nach sygstu Hamyens von fern
Ein .ij. myl komestü gen Harras zü hant
Vff welsch ist sye Tribatum genant
Su hast .viij. myl gen Thobaie die synt nicht groß
dar nach .v. myl gen sant fallentius
darnach synt .viij. myl gen Bergen in Henegaw
Vber .iij. myl komestu gen Sone wiltu dich zaw
Sarnach ist eyn myl gen Brenleont
Vber .iij. myl komestü gen Hall zü stünt
dar nach synt .ij. myl gen Prüsszel
darnach .iiij. myl gen Losen die gestü schnell
dar nach .iiij. myl gen Sitsch vnd .viij. myl gen Triche
Vnd .iiij. myl gen Ach da saltu dyn sunde bechten
Vnd salt Got vnd Marien danck vnd lob sagen
Dastü da hyn komen bist mit gesunden tagen
Vnd salt Got vnd Marien dienen mit flyß
So magstü der gnaden veflerbass gen yß
die vyl menschen da suchen vß ferren landen
Maria wolle vns behüten vor den ewigen bande
Vnd wolle vns armen sundern gnad erwerben

Das wir nicht mögen des ewigen tödes sterben
Sünder das wir got vñ sant Jacob ewiglichē schawē
Vnd alle gottes heiligen vnd vnser liebe frauē
Amen.

Ich Hermannus künig ordens der mergen knecht
Hab gedicht diß buchelyn recht
Das dan heist sant Jacobs straß
Got wolle mich nymmer gesterben laß
Ich solt dan ewiglichē by jm blieben
Als man schryb M.ccc. vñnd. xcv. ist es geschryben
Vff den tag der heiligen frauē sant Annen
Got wolle vns behüten vor den ewigen banden
Amen.

Die walfart vnd Straf zu sant Jacob.

